

Doop

Die doop.

Wanneer 'n uitverkore kind van YHUH gedoop word moet dit gesien word as 'n uit en af wassing van satan. Doop gee die geleentheid tot redding uit die ewige dood na ewige lewe. Baie verwar die besnydenis (bloed Verbond teken) met die doop, waarvan die twee in geen omstandighede bymekaar kan uitkom nie. Ek wil eerder sê dat die doop 'n moet is voordat jy Pasga hou, want hoe kan jy Pasga hou as jy nog aan satan behoort.! (*Matt.22:12*)

Joh.3:5,6 YAHUSHA antwoord: Voorwaar, voorwaar Ek sê vir jou, as iemand nie gebore word uit water en Gees nie, kan hy in die koninkryk van VADER nie ingaan nie. :6 Wat uit die vlees gebore is, is vlees; en wat uit die Gees gebore is, is gees. Hand. 2:38, 39. En Petrus sê vir hulle: Bekeer julle, en laat elkeen van julle gedoop word in die naam van YAHUSHA die Gesalfde tot vergewing van Wetsoortredinge, en julle sal die gawe van die Gees van VADER ontvang. :39 want die belofte kom julle toe en julle kinders en almal wat daar ver is, die wat YHUH ons Vader na Hom toe roep.

1 Pet.1:3. Geseënd is die VADER van onse YAHUSHA die Gesalfde wat na Sy grote barmhartigheid ons die geboorte van bo geskenk het tot 'n lewende hoop deur die lewende hoop van YAHUSHA die Gesalfde uit die dode.

1 Pet.3:21. waarvan die teëbeeld(Ware gestalte), die doop, ons nou ook red, nie as 'n aflegging (afwassing) van die vuilheid van die vlees nie, maar as 'n bede tot VADER om 'n goeie gewete – deur die opstanding van YAHUSHA die Gesalfde. 1 Joh.5:6. Dit is Hy wat deur die waters en die bloed gekom het, YAHUSHA die Gesalfde; nie deur die water alleen nie, maar deur die water en die bloed; en dit is die Gees wat getuig, want die Gees is die waarheid.

Ons as Verbond kinders moet 'n Wetsoortredinge besef hê dat ons tot inkering en bekering kan kom sodat ons gedoop moet word, so ook dat ons die gawe van die Gees van VADER kan ontvang (met VADER se wil). Met die doop was jy die Wetsoortredinge wat in die ou mens gewees het weg. Jy staan nou op as nuwe saam met YAHUSHA *die Gesalfde*. Hy sal jou nou bekleed met reinheid. Die dood moes intree sodat daar lewe kan uitspruit.

Joh.12:24 Om gebore te word van bo is die totale verandering van iemand se status en lewenshouding voor VADER, waardeur die "nuwe mens" tot stand kom en 'n "nuwe lewe" geskenk word. Die geboorte is nie ons eie toedoen nie, maar dat dit deur VADER se ontferming en wil geskiet. Wat ook onthou moet word is dat in die outyd toe die voorhangsel nog daar was, was die Verbondsark met sy Versoendeksel (waaruit YHUH gespreek het) daar agter waar die besprinkeling plaasgevind het. Slegs die Levitiese priesters was daar toe gelaat, maar deur YAHUSHA het openbaringe gekom wat binne in die aller reinste is.

VADER het met die foltering die voorhangsel laat skeur, sodat ons nou saam met YAHUSHA na VADER kan gaan.

Jy is nou die tempel waar die Gees van VADER woonagtig moet wees! Die Verbondsark is nou jou hart wat met YAHUSHA se bloed besprinkel moet word sodat jou gewete dit nie kan vervuil nie. Jou hele liggaam moet nou rein wees deur die water doop (onderdompeling).

Belangrik van die gelese stuk is dat: (1) jy slegs gedoop kan word na geloof en Wetsoortreding besef as jong of groot mens (Babas en jong kindertjies moet ingeseën word). (2) Baie is al reeds groot gedoop deur een of ander kerk of prediker onder die Baal name (H*re, J*sus) wat oorgedoop moet word onder die oorspronklike Naam "YAHUSHA die Gesalfde".

Wat verhinder my om gedoop te word ? Hand.8:36

1 Pet 1:3-5 Geseënd is die VADER van onse YAHUSHA die Gesalfde wat na Sy grote barmhartigheid ons die geboorte van bo geskenk het tot 'n lewende hoop deur die opstanding van die Gesalfde uit die dode, roep.

:4 sodat ons 'n onverganklike en onbesmette en onverwelklike erfenis kan verkry, wat in die hemele bewaar is vir ons. :5 wat in die krag van VADER bewaar word deur die geloof tot die saligheid wat gereed is om geopenbaar te word in die laaste tyd. 1 Pet 1:23 want julle is gebore van bo nie uit verganklike saad nie, maar uit onverganklike, deur die Lewende Woord van VADER wat tot in ewigheid bly.

Joh. 3:3 YAHUSHA antwoord en sê vir hom: Voorwaar, voorwaar Ek sê vir jou, as iemand nie weer gebore word nie, kan hy die koninkryk van VADER nie sien nie.

1 Pet. 1:23 want julle is gebore van bo nie uit verganklike saad nie, maar uit onverganklike, deur die lewende woord van VADER wat tot in ewigheid bly.

1 Joh. 5:13 Dit het ek geskrywe aan julle wat glo in die Naam van die Seun van VADER, sodat julle kan weet dat julle die ewige lewe het en kan glo in die Naam van die Seun van VADER. Filippus word gestuur deur VADER in Hand. 8:38 En hy het beveel dat die wa moes stilhou; en hulle het al twee in die water afgeklim, Filippus en die hofdienaar; en hy het hom gedoop (na geloofsoortuiging, baie wil die hofdienaar sien as 'n swarte, wat nie so is nie. Hy was wel 'n burger van Ethiopië, maar elke jaar die feeste van Judeërs gaan bywoon, waarvan hulle beslis nie anders kleurige hulle feeste sal laat bywoon het nie).

Wonderlik om te weet wat die Skrif vir ons deurgee.

Open.7:14....*En hy sê vir my: Dit is hulle wat uit die groot verdrukking kom, en hulle het hul klere gewas en hul klere wit gemaak in die bloed van die Lam.*

Open.1:5 *en van YAHUSHA, die getroue getuie, die eersgeborene uit die dode en die Owerste oor die konings van die aarde! Aan Hom wat ons liefgehad het en ons van ons Wetsoortredinge gewas het in Sy bloed.*

Hand:2:39 *Want die belofte kom julle toe en julle kinders en almal wat daar ver is, die wat YHUH onse Vader na Hom sal roep.*

Pet.3:21 *waarvan die teëbeeld(Ware gestalte), die doop, ons nou ook red, nie as 'n aflegging van die vuilheid van die vlees nie, maar as 'n bede tot VADER om 'n goeie gewete—deur die opstanding van YAHUSHA*

Pet.3:22 wat heengegaan het na die hemel en aan die regterhand van VADER is, terwyl engele en magte en kragte aan Hom onderwerp is.

Die oumens moet sterf wat aan die ou Verbond vaslewe volgens

Joh 12:24 *Voorwaar, voorwaar Ek sê vir julle, as die koringkorrel nie in die grond val en sterf nie, bly dit alleen; maar as dit sterf, dra dit veel vrug.*

Die duiwel en sy volgers sal hulle bes probeer om jou te verwar en bang te maak, om die besluit van jou lewe oor te neem. Daarom staan op, breek deur die hindernisse met die beskerming van die bloed van die Lam.

Doop is 'n gelofte wat afgelê word. 'n Plegtige belofte aan VADER dat dit jou onderneming sal wees om verewig HOM te dien. Dit moet 'n belydenis van oortredinge wees. Die doop moet gesien word as die sleutel van 'n deur wat oopgemaak word sodat jy kan ingaan en die maaltyd kan geniet. Baie dra sleutels, (kerke) maar min wetend is die sleutel YAHUSHA nie J*sus nie. Soos in Matt. 7:14 staan: Want die poort is nou en die pad is smal wat na die lewe lei, en daar is min wat dit vind.

Stappe wat sal volg. (Voor doop)

Dopeling moet bloed - en vlees deelagtig wees.

Hy moet glo en getuig dat YAHUSHA die Gesalfde Seun van VADER is.

Hy moet Wetsoortreding besef en berou daaroor hê en dit bely voor VADER

Vra die volgende vrae wat almal 'n "Ja" moet wees nl:

- 1) Glo jy dat daar 'n VADER en 'n Seun is?
- 2) Glo jy dat VADER die Seun gestuur het?
- 3) Glo jy dat Seun kom sterf het vir jou Wetsoortredinge?
- 4) Glo jy dat die Seun weer opgestaan het uit die dode?
- 5) Besef jy nou dat jy 'n Wetsoortreder is?
- 6) Wil jy nou met jou hele hart, verstand en al jou krag gedoop word?
- 7) Gaan jy die Wette en Verordining onderhou?

Hy moet nou 'n begeerte hê om gedoop te word.

Stappe wat sal volg. (Tydens doop)

Doen 'n gebed in die water voor die tyd vir ontvangs van die siel.

Sê: "ek doop jou in die Naam van YAHUSHA *die Gesalfde* die Seun van VADER" (*sodat die dopeling ook die gawe van die gees van VADER kan ontvang*).

Doop die persoon ten volle (onderdompeling) in die water.

Spreek die seën uit oor die dopeling en sê:

YHUH sal jou Seën en jou behoed;

YHUH sal Sy aangesig oor jou laat skyn en jou goedgunstig wees;

YHUH sal Sy aangesig oor jou verhef en aan jou vrede gee.

Stappe wat sal volg. (Na doop)

Die Gees van VADER gaan nou uit sy latentheid en is nou oop en ontvanklik.

Die gawe en seëning van VADER sal intree as dit VADER se wil is.

Met geloofsversekerdheid sal VADER jou toets en beproef.

Versoekinge van die bose (die ou lewe) sal altyd daar wees, maar die gedurige aanval en keer dat jy gedoop moes word, is verby.

Om gebore te word van bo is die totale verandering van iemand se status en lewenshouding voor VADER, waardeur die "nuwe mens" tot stand kom en 'n "nuwe lewe" geskenk word. Die geboorte is nie ons eie toedoen nie, maar dat dit deur VADER se ontferming geskied en deur die evangelie, wat die "Woord van VADER is", m.a.w. 'YAHUSHA'. Die gees wat daar in jou was, was latent en is nou wakker gemaak deur VADER.

Die siel wat altyd in jou teenwoordig sal wees sal nou 100% terug staan vir die Gees van VADER om oor te vat by hom. Laat die Gees van VADER jou lei.

Ter afsluiting:

Die doop en geboorte van bo het wel met mekaar te doen, maar moet verskillend gesien word. Die begeerte om gedoop te word lê by die mens. VADER trek jou wel nader tot die besef om gedoop te word, maar jy as individu moet daardie besluit neem in jou lewe. Dooop beteken 'n nuwe geleentheid tot lewe uit dood. Baie is gedoop en tot hulle teleurstelling was hulle nog steeds in die ou lewe, dus het doop vir hulle net 'n ritueel geword.

Geboorte van bo kom slegs van VADER . Geboorte vanaf VADER kan voor of na doop plaasvind.

Wat onthou moet word, Ons moet nie die doop sien as geboorte van bo nie, sien dit eerder as 'n verloofring. Ons "MAN YHUH" het ons gevra om te trou en jou antwoord moet wees ja anders sal jy deel uitmaak van die veroordeeldes. *Jer.31:31*

Mat 26:28 Want dit is My bloed, die bloed van die nuwe testament, wat vir baie uitgestort word tot vergifnis van oortredinge. Joh 17:19 En Ek sonder Myself vir hulle, sodat hulle ook in waarheid afgesonder kan wees. Joh 17:24 VADER, Ek wil dat waar Ek is, hulle wat U My gegee het, ook saam met My sal wees, sodat hulle My lofwaardigheid kan aanskou wat U My gegee het, omdat U My liefgehad het voor die grondlegging van die wêreld.

Moenie aarsel om daardie ring van eenheid en getrouheid te dra nie. YHUH is verlief op ons daarom het Hy Sy lewe kom uitstort tot 'n nuwe begin. VADER is streng en regverdig en sou ons lankal uitgewis het, maar SY Seun het telkemaal vir ons voorouers ingetree tot ons bestaan.

Mat 19:27 Daarop antwoord Petrus en sê vir Hom: Kyk, ons het alles verlaat en U gevolg. Wat sal daar dan vir ons wees?:28 En YAHUSHA sê vir hulle: Voorwaar Ek sê vir julle dat julle wat My gevolg het, in die geboorte van bo wanneer die Seun van die mens op Sy lofwaardige troon gaan sit, julle ook op twaalf trone sal sit en die twaalf stamme van Israel sal oordeel.

Joh 6:68 En Simon Petrus antwoord Hom: Meester, na wie toe sal ons gaan? U het die woorde van die ewige lewe.:69 En ons het geglo en erken dat U die Gesalfde is, die Seun van die lewende VADER.

Wat meer is daar om te sê.

My Getuienis.

Ek _____ is verseker van my redding, o VADER. In aanbidding en berou staan ek voor U vir aflegging van Wetsoortredings; vir toelating tot geboorte van bo, en tot die Koninkryk. Ek vra dat U Rein Gees in my mag werk sodat ek onberispelik in siel en liggaam rein mag bly. Bewaar my ons VADER met U Rein Gees tot die dag van wederkoms. Laat U Rein Gees my help om U Wette na te kom en mag U Lig nooit uit my geblus word soos vuur nie, maar eerder sal brand tot die einde toe. Ek dank U o VADER nogtans vir al die seën en reinheid wat U my skenk in YAHUSHA *die Gesalfde*, U eniggebore Seun.

Nogtans nie my wil nie, maar laat U wil geskiet.

Op grond van VADER se woord: 1 Joh.5:11-13

Op grond van VADER se natuur: 1 Joh.5:1-9

Op grond van VADER se beloftes: Joh.5:24

- a) Ek bely en verklaar dat ek 'n uitverkore kind van YAHUSHA die Gesalfde en Sy gesalfde is.
- b) Ek verklaar ook dat YAHUSHA as YHUH ons Koning gaan kom
- c) Laastens verklaar ek dat YHUH-SHA die Seun van VADER is wat VADER gestuur het om my Wetsoortredinge weg te neem

Op _____
Datum

my lewe oorgegee het aan VADER en YAHUSHA SY Gesalfde Seun, om oor my te heers en ek U getrou as my Meester sal dien totdat U my eendag as bruid kom haal om vir ewig saam met U te wees.

Werker

Dissipel